

MIK 1996

GRADOVI:

Buzet	23. lipnja
Krk	24. lipnja
Pula	25. lipnja
Rijeka	26. lipnja
Novi Vinodolski	27. lipnja
Umag	29. lipnja

REDOSLIJED IZVOĐENJA NA FESTIVALU

“MELODIJE ISTRE I KVARNERA 1996”

1. PAŠARETICA - BORIS VIŽINTIN i klapa KRK

(B. Krajcar – D. Načinović – A. Valenčić)

2. RADI TEBE - ALEN LAZARIĆ

(A. Lazarić – E. Kleva – A. Lazarić)

3. MAJKE BOŽJE PAS - AZUR

(V. Škaron – V. Juretić – S. Belša)

4. NA UČKU - VIM i ATLANTIS

(I. Popeskić – V. Alilović – I. Popeskić)

5. TUJA JE TUJINA - DENIS & DENIS

(D. Tolja – A. Šarar – D. Tolja)

6. LIP JE BIL KANAT MOJ - JOSO BUTORAC i VIVAK

(M. Margitić – Lj. Car Matutinović – R. Grubišić)

7. VA SNE - KARIN KULJANIĆ

(M. di Capua – D. Turina – A. Valenčić)

8. VAŽGI FERALE - TRIO RIO

(R. Grubišić – M. Bobuš – R. Grubišić)

9. MULARIJA - DUŠKO JELIČIĆ i KOLAŽ

(I. Lesica – Z. Marunić – I. Lesica)

10. IL VALZER ISTRIANO - HISTRI i NOVELLA

(D. Načinović – D. Načinović – A. Valenčić)

11. CHE BELLA DONNA - GALLIANO PAHOR

(M. Milat – M. Milat/ V. Juretić – A. Baša)

12. ZAVAVIK LJUBAV MOJA - WERNER BROZOVIĆ

(M. Grdinić – M. Grdinić – A. Baša)

13. SAMO KURAJA - ELIO PISAK

(Đ. Novković – E. Pisak – J. Fecher)

14. DANICA - ŠAJETA

(D. Turina – D. Turina – E. Stanić)

15. STARI MLADIĆ i CITELA - BATTIFIACA

(M. Lipovšek/ A. Valenčić – M. Lipovšek – A. Valenčić)

16. BRACOLET - RADOJKA ŠVERKO

(I. Badurina – V. Juretić – A. Baša)

17. NA KANTINU - VESNA NEŽIĆ RUŽIĆ i SERGIO PAVAT

(A. Baša – Lj. Bestulić Stanković – A. Baša)

18. AJ, MARIJA - GUSTAFI

(E. Maružin – E. Maružin – Gustafi)

19. NA KVARNERU - MATKO JELAVIĆ i TNT

(M. Jelavić – Z. Stipičić – R. Kazinotti)

20. NIKADA TE NISAN PROKLJELA - TEREZA KESOVIA

(I. Frleta – M. Bobuš – A. Baša)

II DIO – NEKI NOVI MIK

1. ONISTI PUT - JASNA HODANIĆ

(S. Vujović – M. Valković – S. Vujović)

2. HOMO VANKA - TABAKO & AQUARIUS

(A. Justić – A. Morić – A. Justić)

3. ŠPERANCA - BRUNO KRAJCAR

(B. Krajcar – B. Krajcar – B. Krajcar/ A. Baša)

4. LUZIJANA - ARCA

(M. Šimić – M. Šimić – M. Šimić/ A. Baša/ D. Čargonja)

5. DVAVSET LET - DINO VALČIĆ

(D. Valčić – D. Valčić – I. Popeskić)

6. NIDARI KAKO DOMA NI - GIN

(N. Nimac – G. Despot – N. Nimac)

PAŠARETICA

aj, tancali su tancali
od jutra cili dan
pino, barber, a žlahtina,
borgonja i teran.

na mihi su sopli petehi;
vred se je noć levala...
luna je mriže dignula,
pak mi je zakantala:

KI PIJE PAŠARETICU,
ON DRITO DOMA HODI!
SVI TI GOVORE: PIJ BEVANDU
A TEBI VODA ŠKODI...

U GLAVI BOCE ROŠTAJU,
TI DELAJU ČIN-ČIN;
MA KAD TE ŽENA S KOLCEN PUKNE
PASAT ĆE TI MORBIN.

joh, di san bija, kamo gren...?
ni sebe ne poznan.
zmutija me je sok od grozje
i još san ošempjan.

na uši oganj van biži
preteške su mi pete...
sad mi se jopet rugaju
sve prazne bukalete.

KI PIJE PAŠARETICU,
ON DRITO DOMA HODI!
SVI TI GOVORE: PIJ BEVANDU
A TEBI VODA ŠKODI...

U GLAVI BOCE ROŠTAJU,
TI DELAJU ČIN-ČIN;
MA KAD TE ŽENA S KOLCEN PUKNE
PASAT ĆE TI MORBIN.

RADI TEBE

gredu ure, gredu dani
projdu lita starin ja
samo ništo je ustalo
to ča moje srce zna

ono ča je vajk u meni
ča me jide to si ti
po noće mi sna ne daje
ča u meni vajk gori

BILO ŠKURO BIJA DAN
JOŠ SAN U TE NAMURAN
BILO SVITLO BILA NOĆ
JA DO TEBE MORAN DOĆ
RADI TEBE NEĆU NIKAD
S DRUGON POĆ

MAJKE BOŽJE PAS

ti si za me rojena:
moja jubav sudbina
i kad škuro prepasa
z vedrin išćen te ja.

nisi meni igračka
ti si vila moja
zavjet, vera i mir
do spokoja...

se ča iman ti si mi
kamo hodin smanun si
a kad škuro prepasa
z vedrin išćen te ja

TI SI MAJKE BOŽJE PAS

Z NEBA AN?ELA GLAS
MOJA LIPOTO TI SE SI MENI!

jedan još kad zmolin dan
oči kad pobjede san.
nebo na mojoj je strani znan!
pa me zbudi isti glas
koda majke božje pas
zavavik skupa zavezal je nas!

NA UČKU

sako jutro kad se stanen drito ja va štalu gren
se počistin, seh nahranin, onput kravi pomuzen
saki dan (okol desete) stane mi se pak žena
potla pitan ča j' storila
nokti san lakirala

ma kad pride ta nedeja kumpanija me zove
zgorun onput partimo pa pozabimo na se

NA UČKU RAD ZAHAJAMO, PO TRAVE SE VAJAMO
SE ČETIRE VAJER DAMO I NA BOĆI SE IGRAMO
ŠETIMANA KADA FINI ŽENI DOMA PUSTIMO
NEKA NOTKI LAKIRAJU, BIRU, KANAT VOLIMO.

saki božji dan je isti, va lehe do škure san
komać doma živ ja priden, lačan, potan i trudan
mesto da večera čeka - žena žbali va tv
ča oteješ, cito budi, viš da kolo sreći je

ma kad pride ta nedeja kumpanija me zove
zgorun onput partimo pa pozabimo na se

NA UČKU RAD ZAHAJAMO, PO TRAVE SE VAJAMO
SE ČETIRE VAJER DAMO I NA BOĆI SE IGRAMO
ŠETIMANA KADA FINI ŽENI DOMA PUSTIMO
NEKA NOTKI LAKIRAJU, BIRU, KANAT VOLIMO.

kad kuhat bin ja znal
opeta biš bacilal
znan dobro, dobro ja se
opeta bež njih ne gre

ala ča pak njurate - tr nedeju imate

NA UČKU RAD ZAHAJAMO, PO TRAVE SE VAJAMO
SE ČETIRE VAJER DAMO I NA BOĆI SE IGRAMO
ŠETIMANA KADA FINI ŽENI DOMA PUSTIMO
NEKA NOKTI LAKIRAJU, BIRU, KANAT VOLIMO.

i tako nan život teče
napred, nazad, sejno je
i ča j' važno ki je prav
kad jubav je vavik - jubav.

TUJA JE TUJINA

mislel san i ja
ko si drugi gren va svit
tamo će mi bolje bit
se je manje ljudi
se je više praznih kuć
od sela je Želin uć

rekli su: sine naš, kad partiš ni ne znaš
teško se tornat, ma i ostat
ne pozabi se javit i za sriču prekrižit
aš je najveć ni na zemlji

A ONDI TUJA JE TUJINA, NIKI ZA TE NEĆE ZNAT
SAMO MRZLA ĆE MRZLINA SRCE TI JACAT
VAVIK TUJA JE TUJINA, TAMO ZA TE SRIĆE NI
DOMA NAN PRIDI, TU SMO SI SVOJI.

delan celi dan
gjedan staklo i beton
tići ni, leti leh avion
veli tuji grad
velo svitlo i šušur
i ne moren spat do kasnih ur

a doma teplo je, kraj ognjišća si side
ružmarin diši, a tebe ni
bura ziblje ulike i zvona sa zvone
nigdi lipše ni na zemlji

A ONDI TUJA JE TUJINA, NIKI ZA TE NEĆE ZNAT

SAMO MRZLA ĆE MRZLINA SRCE TI JACAT
VAVIK TUJA JE TUJINA, TAMO ZA TE SRIĆE NI
DOMA NAN PRIDI, TU SMO SI SVOJI

LIP JE BIL KANAT MOJ

va kantu san, ko va njazlu bil
puno puti, va njega se skril.
živel san š njen
smel se i plakal va njen...

kanat do mora
va njemu j` šumel
rojeni moj kamik
na suncu j` belel.

LIP JE BIL KANAT MOJ
VA NJEN SAN BIL VAVIK SVOJ:
JUBAV ME J` NA KUPU DRŽALA
SNAGU MI J` ZEMJA DAVALA.

LIP JE BIL KANAT MOJ
VA NJEN SAN BIL VAVIK SVOJ:
VA SVIT SAN SVOJU DUŠU SLAL
KANTAJUĆ SAN SRCE VAN DAL.
VA SVIT SAN SVOJU DUŠU SLAL
KANTAJUĆ SAN SRCE VAN DAL.

VA SNE

niš mi ne znače zvezde se
pod morun anfore
aš kad te ni, ja san zgubjeni
vapor bez ankore.

i kad te ni, mene se ne spi
prideš i nosiš mi san
ako me čuješ, ti se vrni
aš mi ne prihaja dan.

srce je zlatna škatula
va ku san spravjala

jubav svoju za tebe
i lokot stavila.

da si ti suha zemja
ja bin dažila.
potok velik bin postala ja
do tebe doteckla.

KAD POGJEDAŠ ME TI
SRCE JAČE TUČE
DUŠA MI SE OTPRE
DA TI SE REČE
I KAD USTA MUČE

KAD POGJEDAŠ ME TI
VIDIŠ SE VA OČEH
KAD TE NI JA NE SPIN
JUBAV DA JE GREH
JA ZGREŠILA BIN

VAŽGI FERALE

z ružmarinon ja ču te buševat
kad dojden doma z naviganja
va buru skrit ču se ča s tobun dilin
kad pojden nazad da dušu umirin

VAŽGI MI FERALE SVOGA ŽIVOTA
DA ME SVITON PRATE MLADOST I LIPOTA
KAD TVOJE OČI SVITE NA PROVI OD BRODA
TI SI SE MOJE, NEMIR MOGA ŽIVOTA.

z lovoron ču pokrit tvoje suze
kada ćeš me kumpanjat do mora
va more skrit ču se ča s tobun dilin
kad dojden doma da dušu umirin.

VAŽGI MI FERALE SVOGA ŽIVOTA
DA ME SVITON PRATE MLADOST I LIPOTA
KAD TVOJE OČI SVITE NA PROVI OD BRODA
TU SI SE MOJE, NEMIR MOGA ŽIVOTA.

MULARIJA

črni kot katran
po sele teču
gola i bosa
naša mularija.

njimi niš ne rabi
nisu zvicijani
za ničeren ne plaču
krpenjaču taču

kolen krvaveh
nosi šmrkaveh
skupa se igraju
niš ne bacelaju
njimi niš ne rabi
nisu zvicijani
za ničeren ne plaču
naša mularija

SUNCE JE ZA UČKU ŠLO
I MAT JIH VEĆ DOMA ZOVE
A MULARIJA SE IGRA
I DOMA NJIN SE NE GRE

A KAD NOĆ SE J' ZAŠKURILA
ONI OPRANI I ČISTI DIŠE
SPOD BELEH LANCUNI
KAKO ANJELI SPE

beli kako sneg
se manje danas teču
ni gola ni bosa
nova mularija

njimi fanj sad rabi
aš su zvicijani
malo više plaču
bicikletu taču

ni kolen krvaveh
ni nosi šmrkaveh
sami se igraju
sami bacelaju.

njimi fanj sad rabi
aš su zvicijani
malo više plaču
naša mularija

IL VALZER ISTRIANO

ma chi si ricorda che festa che era
mi sembra di san valentino,
davanti alla chiesa, sotto il lodogno
suonava un bombardino.

e tu della mamma seguendo i passi,
fai finta che non mi vedi,
mentre la musica il dono dal ciel
ti tocca le mani e i piedi.

GIRA, GIRA, GIRA, GIRA GIRA, GIRA,
GIRA CON ME!
ETARDI E ORMAI SI FA SERA.
SI SVEGLIA NELL ALBUM TRA I FOGLI APPASSITI
UN FIORE DI PRIMAVERA.

GIRA, GIRA, GIRA, GIRA, GIRA, GIRA
GIRA CON ME!
E UN VALZER CHE VIEN DA LONTANO.
E COME L ADDIO A UN SOGNO CHE FU
QUEL VALZER ISTRIANO!

ma chi si ricorda che festa che era...
puo darsi di santa marina.
giu nel cortile suonava allegra
l armonica triestina.

suoni d amore, odor di campagna
quel giorno ballavo con te!
un valzer che passa e un sogno che va
ma dove sai dirmi e perche

GIRA, GIRA, GIRA, GIRA GIRA, GIRA,
GIRA CON ME!
ETARDI E ORMAI SI FA SERA.
SI SVEGLIA NELL ALBUM TRA I FOGLI APPASSITI
UN FIORE DI PRIMAVERA.

GIRA, GIRA, GIRA, GIRA, GIRA, GIRA
GIRA CON ME!
E UN VALZER CHE VIEN DA LONTANO.
E COME L ADDIO A UN SOGNO CHE FU
QUEL VALZER ISTRIANO!

CHE BELLA DONNA

jedan je grad
va mene
va njen mi
jubav spi

va njen smo mi
sanjali
nistar već
ja leh ti

CHE BELLA DONNA
CHE BELLA DONNA
CHE BELLA DONNA
FIUMANA, FIUMANA,
FIUMANKA CHE XE

CHE BELLA DONNA
SLO JE ZAMANUN
KAD SAN VA NAJLEPCEN
GRADE NA SVETE
PUSĆAL JA TEBE

CHE BELLA DONNA
CHE BELLA DONNA
CHE BELLA DONNA
BELLEZZA, BELLEZZA,
BELLEZZA DA JE

CHE BELLA DONNA
I SAD JE S MANUN
AS SAN VA NAJLEPCEN
GRADE NA SVETE
PUSĆAL JA TEBE

ne znan sad ja

kade si ti
kad grad zaspi
na recine

kad zasvetli
mesec len,
po korze jos
seće refren

ZAVAVIK JUBAV MOJA

tvoji su ti rekli, ma ni on za tebe.
a nisu ni znali da ne moreš bez mene.
i muža su ti našli, šla si dugo od mene
a ja znan ti ne moreš, ne moreš, bez mene, bez mene

ZAVAVIK TI ĆEŠ BIT JUBAV MOJA
ZAVAVIK, ZAVAVIK, JUBAV MOJA.
ZAVAVIK TI ĆEŠ BIT JUBAV MOJA,
ZAVAVIK, ZAVAVIK, JUBAV MOJA.

a lipo san ti reka, samo tebe ču zet prid oltar.
i vavik kad me vidiš mi rečeš, ti si jubav moja.
a ja ču ostat, tvoj stari mladić, ej stari mladić.

i muža su ti našli, šla si dugo od mene.
ma da si pošla i na misec, tvoja jubav je za mene.

ZAVAVIK TI ĆEŠ BIT JUBAV MOJA
ZAVAVIK, ZAVAVIK, JUBAV MOJA.
ZAVAVIK TI ĆEŠ BIT JUBAV MOJA,
ZAVAVIK, ZAVAVIK, JUBAV MOJA.

SAMO KURAJA

ča išcu ovi ljudi
ča išče ovi svit
kad lipo s jutra je
kefe popit

s tobom čakulati
ne preveć pensati

ja bin tako moga
miljari lit

pronta je večera
palenta i radič
niman šoldi kako tić

samo miće stvari
sriću moru dat
da je kuraja imat

KURAJA DO KRAJA
NA PUTU DO RAJA
SAMO KURAJA
KURAJA DO RAJA

DANICA

hode leta i kilometri,
tuka pušu drugi vetri.
ja san va grade ki je lep,
ma za tu lepotu ja san slep.
pa ga ne moren za svojega ime
on je zame tuji svet
još čujem glasi kraja
va ken san se rodil.
ćutin dih uja od ulike
i još me mat zove.
čuda san tega ja pustil
ma niš nisan pozabil.

PIŠITE MI KADE SU JUDI Z KUMPANIJE
ŠI GREJU JOŠ VA ISTE OŠTARIJE.
ŠI SE NAJDU JOŠ NA STAROJ STANICE
I KEGA GLEDAJU OČI OD DANICE.
PIŠITE MI AKO ZNA KADE SAN JA,
PIŠITE MI AKO ZA ME PITA ONA.
MA NEMOJTE NAPISAT
S KEN JE MOJA DANICA.

morda su pred njena vrata
već prosci prišli
i vericu od drugega
na ruku stavili.

rečite njoj da se ne pojida zha me
prsten ki joj nude neka zame.

PIŠITE MI KADE SU JUDI Z KUMPANIJE
ŠI GREJU JOŠ VA ISTE OŠTARIJE
ŠI SE NAJDU JOŠ NA STAROJ STANICE
I KEGA GLEDAJU OČI OD DANICE.
PIŠITE MI AKO ZNA KADE SAN JA
PIŠITE MI AKO ZA ME PITA ONA
MA NEMOJTE NAPISAT
S KEN JE MOJA DANICA

STARI MLADIĆ I CITELA

pokle čuda let te trefin
i stvarno zgledaš stara.
nisan baš tako grda,
dioptrija te vara.
sad smo već pomalo stari,
naši dani su pasali.
govorin za se - ja san mlada
i još mi vavek niš ne fali.
a čul san od judi
da se nisi oženila
dok san bila mlada,
seh san vas odbila.
sad ti j vreme proletelo
i ostala si citela.
tr si i ti stari mladić
a sad sejno bin te zela.

STARI MLADIĆ I CITELA STARAA
STVARNO ZGLEDAŠ GRDO.
DIOPTRIJA TE VARA
ON MI SMIRON NJURGA
A ONA MI STALNO ZMERA.
PAČI TI MOJA PERIKA.
A TEBE MOJA DENTIJERA.

i tako život naprvo nan gre,
va našeh letah se ne zbira,
bog daj da je.

nisan baš kuntenta s tobun.
nisan nanke s tobun ja.
čovek na kraju zame
ča dragi bog mu da.

BRACOLET

zač biš otel ta leta pozabit,
zač ne govorit i na me se jadit?
daj me pogjedaj još
lipo kako ti znaš?
zač se ti meni već ne nasmiješ,
ne abadaš me a ruku skriješ?
daj me pogjedaj još
lipo kako ti znaš!

JOŠ MISLIN NA TEBE,
I TAKO TE RADA IMAN.
KAD PROJDEŠ KRAJ MENE,
LIPO MI J I TO PRIZNAN.
A, I TI, POVIJ, ZAČ I SAD,
POTLI SIH PASANIH LET,
JOŠ NA RUKI NOSIŠ MOJ
ONI ISTI BRACOLET??

zač se vavik na me ofendit?
zač pasat mimo i niš ne tendit,
kad opet me, lahko med simi,
prepoznaš?
zač se ti meni već ne nasmiješ,
ne abadaš me, a ruku skriješ?
daj me pogjedaj još,
lipo kako ti znaš!

JOŠ MISLIN NA TEBE,
I TAKO TE RADA IMAN.
KAD PROJDEŠ KRAJ MENE,
LIPO MI J I TO PRIZNAN.
A, I TI, POVIJ, ZAČ I SAD,
POTLI SIH PASANIH LET,
JOŠ NA RUKI SVOJOJ NOSIŠ
MOJ ONI ISTI BRACOLET??

NA KANTUNU

prava si mi, kćeri, rekla mi je mati,
dobrega mladića moreš si zabrati.
slušala je nisan, nego san se, šljute,
sve do priko uha namurala u te.

sad se na me jadiš, sama si me zvala,
do ponoći s manon vajk si čakulala.
te dvi ruke male će se zalediti,
spod jakete moje bolje će njin biti.

zvala san te na kantun,
ti si stija pod lancun.

NA KANTUNU GRDO JE,
NA KANTUNU PUŠE,
NA KANTUNU BIČVE SE
I MUDANTE SUŠE.
I NAJMANJI KANTUNIĆ
SVOJU HIŽU IMA,
HOMO NUTRA, HOMO NUTRA,
JOH KAKO JE ZIMA.

gorilo je srce i noći i dane,
a ja s tobom nikad na zelene grane.
kada zaspesh sama friško će ti biti,
moga san tim, mala, ja noge stepliti.

štufa san te, vero, i nisan kuntenta,
oči su mi teške, glava kako brenta.
nikada se, mali, s nikom ja ne rivan,
u postelji sama najbolje počivan.

znan ja tebi na kraj stat
do susede poj ču spat.

NA KANTUNU GRDO JE,
NA KANTUNU PUŠE,
NA KANTUNU BIČVE SE
I MUDANTE SUŠE.
I NAJMANJI KANTUNIĆ
SVOJU HIŽU IMA,
HOMO NUTRA, HOMO NUTRA,
JOH KAKO JE ZIMA.

AJ, MARIJA

aj marija nisan na te ne zabija
ni na šolde ni na bire ča za tebe san zapija
aj marija siromah san pokle tebe 5 lit bija

aj marija črnih voči s kih san pija
ja san pensa da umrit ču kad san te zgubija
ma marija komoć san se ja spasija

aj marija sejeno san trubast bija
kad san finto zube dva miljara marak ti platija
aj ja marija na šočalno san hodija

aj marija zna san svit je gnijja
pun je kurbi, ladri, breki, dreki i drugih svinjarija
ma marija, ma sejeno ma ča to san zaslužja

NA KVARNERU

na kvarneru pjesma se čuje
pjesma ljubavi
na kvarneru srce će moje
zbog nje ostati.

zove more na duge pute
brod će krenuti.
mojoj dragoj galeb će bili
pozdrav odnijeti.

TIHO, TIHO PRIJATELJI
SERENADU PJEVAJTE VI
ZLATU MOME ZA LAKU NOĆ
JA MORAN POĆ.

TIHO, TIHO PRIJATELJI
SERENADU PJEVAJTE VI.
NEK ME ČEKA I JA ĆU DOĆ
ČUVA BOG MORNARE.

na kvarneru pjesma se čuje

pjesma ljubavi
kroz neveru moju će dušu
ona tješiti.

TIHO, TIHO PRIJATELJI...

NIKADA TE NISAN PROKLJELA

ča je bilo lipo s tobun bit
baš me bilo briga za celi svit
dala san ti svu svoju ljubav
se dok nisi rekal nisan sam

nikad nećeš znat kako boli
ko da si na ranu stavl sol
morala san proć i sve pustit
da ti dici ne donesen bol

samo jugo onda čulo je
kako vrišće duša moja puknjenja

DAŽ LICE MI JE PRAL
DOK SAN PLAČUĆ NEBO MOLILA
DA TI SVE NA SVITU DA
SVE ČA NE, ČA NE MOREN JA

DAŽ LICE MI JE PRAL
DOK SAN PLAČUĆ NEBO MOLILA
IME TI NISAN ZAZVALA
NIKADA TE NISAN PROKLJELA

II DIO – NEKI NOVI MIK

ONISTI PUT

onisti put
trefila sen oči tvoje,
dvi zvezdi na nebu
ke stoje
onisti put

teknula sen ti obraz
teknula sen ti vlasti
oganj ki gori
ki nikad se ne gasi
i bil si samo moj
onisti put samo moj
spil si ti.

VALI SU KANTALI
KADA SMO ŠEPJALI
ZVEZDI SU TANCALI
URE SU FRMALI
ONISTI PUT.

ZA ŽIVOT CELI
AŠ BRZO I ZA VAVIK
SU TE ZELI
ONISTI PUT

drugoj su te dali
od mene sranili
one dvi zvezdi
more utopili
a meni svitle va škurini
kako onistii jeden put jedini.

VALI SU KANTALI
KADA SMO ŠEPJALI
ZVEZDI SU TANCALI
URE SU FRMALI
ONISTI PUT.

HOMO VANKA

šesno mi se spravi hodi smanun lipo van
ča će tebi drugi ja te bolje znan
pusti vešte duge zabi mala ti na to
na tebi sve je lipo homo ovako

ti se samo spravi smanun hodi sada van
subota je ponoći okolo ?iran
pasat čemo mi sve zasput i popriko
i nać kantun da sami ostanemo

HOMO VANKA KADI NAS NIKI NE ZNA
HOMO VANKA VEČERAS BUDI SAMO MOJA
HOMO VANKA KADI NAS NIKI NE ZNA
HOMO VANKA MA PUSTI GA I BUDI MOJA

ŠPERANCA

zakantat bin stija
o ljubavi pismu
aš na cilen svitu
sve je manje ima

A I JA SAN ZA TE
SAMO SAD UŽANCA
JOŠ TE LJUBIN
U MENI JE ŠPERANCA

ti bi sve lušece
s tega svita stila
a tvoja duša žedna
ljubavi bi pila

A I JA SAN ZA TE
SAMO SAD UŽANCA
JOŠ TE LJUBIN
U MENI JE ŠPERANCA

moja mati vajk govori
drugi sine sveti mir
triba molit za onega ki je kriv
i ko' želiš sebi dobro
delaj dobro drugima
i šperance vajka imaj dok si živ

sad je svit potriban
više dobrih ljudi
puno božjeg mira
da se ljubav zbudi

i forši naša ljubav
bude opet prava
i na kraju svita
čeka te šperanca

LUJZIJANA

stara dama uvijek ista
rupa puna i skliska
vodi mene domu mom
na kvarneru plavetnom.

kilometri su za nama
više ne znam ni za broj
lujzijana, lujzijana
svaki kutak poznam tvoj.

LUJZIJANA, LUJZIJANA,
NISI VIŠE PRVA DAMA.
LUJZIJANA, LUJZIJANA
OSTATI ĆEŠ SAMA.

mladost moja ti si bila
kvarner moj i gorska vila.
svake noć, svakog dana
lutao sam tobom lujzijana.

mlada sestra autocesta
sve će tebi zeti sada
uzalud ti svaka nada
nekad ti si bila glavna.

DVAJSET LET

znan da se niš ne pojidaš
kad spiš sama va posteje,
a ja jojš wavek ne morin ko ti
sam aš znan,
da pul tebe je tepleje.

kad se ja doma tornan
da te tiein moju otroeicu,
ku san sa ta leta iskal i znal
da za nju sve bin dal.

DVAJSET, DVAJSET, DVAJSET TI JE LET,
A ZNAN DA SI S DESET, DESET,

MISLELA DA SVI AE ZA TOBUN PONEMET,
MORDA I JA.

DVAJSET, DVAJSET, DVAJSET TI JE LET,
A ZNAN DA SI S DESET, DESET,
POVEDALA NAN DA AEMO SE JENEGA DANA ZET
TI I JA.

kad se ja doma tornan
kad te tiein moju otroeicu,
ku san sa ta leta iskal i otel,
sa škine to breme znet.

DVAJSET, DVAJSET, DVAJSET TI JE LET
A ZNAN DA SI S DESET, DESET,
MISLELA DA SVI AE ZA TOBUN PONEMET,
MORDA I JA.

DVAJSET, DVAJSET, DVAJSET TI JE LET,
A ZNAN DA SI S DESET, DESET,
POVEDALA NAN DA AEMO SE JENEGA DANA ZET,
TAR DVAJSET TI JE LET,
JOŠ EEKAN JA

DVAJSET, DVAJSET, DVAJSET TI JE LET
DVAJSET, DVAJSET, DVAJSET TI JE LET.

POVEDELA NAN DA AEMO SE JENEGA DANA ZET,
SAD DVAJSET TI JE LET,
DVAJSET LET.

NIGDARI KAKO DOMA NI

more me čapalo
doma pojт mi ni dalo
bili svit san stija vidit
nisan zna ča moren zgubit

tuje škoje san tica
čudni vitar me pelja
pensir me vajka vuka
al' kamo nisan zna

pasa san bure i nevera

kontra struji san pliva
lita su pasala
sad samo jeno znan

NIGDARI KAKO DOMA NI
OD DUGEGA PUTA DUŠU SAN STRUDI
NIGDARI KAKO DOMA NI
I MOJ SAN ŠKOJ SKORO ZGUBI

doma san se torna
mila moja mati
bez tvoje beside
nisam mogu spati